



Broj: 02-30-1315/26
Fojnica, 29.06.2026.godine

Na osnovu člana 7a Odluke o radnom vremenu ("Službene novine Općine Fojnica", broj 5/10, 5/14 i 6/21), a postupajući po inicijativi Mjesne zajednice Fojnica broj 12/26 od 29.06.2026. godine, Općinski načelnik donosi

RJEŠENJE

o produženom radnom vremenu ugostiteljskih objekata na području općine Fojnica

1. Odobrava se produženo radno vrijeme za rad svih ugostiteljskih objekata registrovanih na području Općine Fojnica, u periodu od dana donošenja ovog rješenja do 19. jula 2026. godine.
2. Produženo radno vrijeme će trajati do 04:00 sata
3. Ugostiteljski objekti dužni su tokom trajanja produženog radnog vremena pridržavati se odredaba propisa kojima se uređuju javni red i mir, zaštita od buke, komunalni red i drugih važećih propisa.
4. U slučaju narušavanja javnog reda i mira ili nepoštivanja važećih propisa, nadležni općinski organ može ukinuti pravo na produženo radno vrijeme.

Obrazloženje

Mjesna zajednica Fojnica podnijela je inicijativu broj 12/26 od 29.06.2026. godine za odobravanje produženog radnog vremena ugostiteljskim objektima na području Općine Fojnica za vrijeme održavanja Svjetskog prvenstva u nogometu 2026. godine.

Cijeneći razloge navedene u inicijativi i značaj Svjetskog prvenstva u nogometu kao međunarodnog sportskog događaja od velikog interesa za građane, te termina utakmica u kojoj učestvuje i reprezentacija Bosne i Hercegovine zbog čega se očekuje povećani broj posjetilaca i interes građana za organizovano praćenje sportskih događaja u ugostiteljskim objektima, te imajući u vidu da produženje radnog vremena doprinosi unapređenju turističke i ugostiteljske ponude na području Općine Fojnica, ocijenjeno je da postoje opravdani razlozi za donošenje ovog rješenja.

Na osnovu navedenog odlučeno je kao u dispozitivu ovog rješenja.

Pouka o pravnom lijeku: Protiv ovog rješenja može se izjaviti žalba Općinskom načelniku Općine Fojnica u roku od 15 dana od dana prijema rješenja.



Načelnik Općine Fojnica

Sabahudin Klisura dipl. ing